

物產志卷二十九

動物 禽類

雞 易禮俱稱翰音說文雞知時畜也玉篇雞司晨鳥也春秋說題辭曰雞爲積陽南方之象火陽精物炎上故陽出雞鳴以類感也本草云雞類多五方所產大小形色亦異無外腎而虧小腸凡人村無故羣雞夜鳴者謂之荒雞主不祥若黃昏獨啼者主有天恩則雞雖常畜而亦靈禽也又云遼有食雞角雞種卵大而殼多紅者爲本產足短身小卵白者爲高麗產種小毛厚喜孵卵善飛者爲廣東產毛與骨俱黑者爲烏雞餘有雙冠者反毛者孤凸頭者毛護兩腿者形色各異

鴨 爾雅舒鳧鶩禽經鴨呬呬其鳴自呼鳧能高飛而鴨舒緩不能飛故曰舒鳧尸子野鴨爲鳧家鴨爲鶩今案雄者鳴聲啞尾有捲毛白黑褐三色褐與黑頭綠其雌白黑麻聲甚大行時雄前雌後輒成行列喜近水夏月多露宿不善孵卵每以雞代之卵白或綠醃食佳肉腥冬日豢肥烹調得法可食

遼陽縣志 卷二十九 物產志

一 奉天第二工科職業學校印

鵞 爾雅舒雁鶩埤雅鶩頸如瘤江東呼駟李時珍曰鶩綠眼黃喙紅掌夜鳴應更野曰雁家曰鶩色白或灰長頸大脚性機警晝夜有所見輒鳴聲宏大畜必雙高飛爲異主人忌之

鷹 禮記季夏鷹乃學習孟秋鷹乃祭鳥一名鷯鳩種類不一古以出遼海者爲上白鷹尤爲鷲猛展兩翼寬二尺許嘴長內曲如鈎爪亦最利分黑黃二色翎毛各有橫文捕食兔雉獵戶養其雛性易馴可使逐禽獸一種類鷹而小灰色尾有淡黑橫文以捕食小雀名雀鷹即鷗也一種身小色灰尾短嘴長向水面捕魚名曰魚鷹

鳶 詩歛彼飛隼埤雅云鷹搏噬不能無失惟隼爲有準故準字從隼一名晨風隼之飛如風之疾故有風名一曰鳶字從弋爲隼捉雀如弋之射秦詩云歛彼晨風大雅鳶飛戾天曰歛曰戾天文義與此詩同是一物也又名負雀爾雅釋鳥鷗負雀郭注云鷗也江東呼之爲鰾善捉雀今俗名鷗鷹嘴短毛長眼至疾慣向空中盤旋下注尋食見蛇鼠等物遽攫去又好捕雞雛

鳴鴉 爾雅釋鳥鳴鴉鵙也郭注云言鳴類者以鳴鴉與怪鳴梟鳴皆帶鳴字鳴鴉又名茅鴉爾雅郭注今鴉鴉也又雀老鴉郭注本兔也似鴉而小兔頭有毛角夜飛好食雞說文云雀鴉屬有毛角所鳴之處其民有禍總之非一物也鴉似鷹立高二尺餘羽黃蒼斑文頭如兔毛角雙峙圓目利爪晝伏夜出破他鳥巢食其子及卵入村鄉攫雞貓食之其鳴如撮口相呼鳴不歇又如人鼾睡聲俗呼曰哼虎曰狠扈常見者毛角如兩耳酷似貓首俗名貓頭鳥眼黃而圓大莊子謂夜撮蚤察秋毫晝出瞑目而不見邱山是也俗呼夜貓子

鴻雁 詩毛傳大曰鴻小曰雁禮月令所言鴻雁則鴻皆雁也形似鵞灰褐色鳴聲嘹唳飛則成行爲隨陽之鳥秋南春北每就沙中棲宿

鵠 顏師古曰鵠水鳥其聲鵠鵠本草鵠大於雁羽毛白澤其翔極高而善步一名天鵠又名黃鵠形頗似鶴亦曰黃鶴與雁異

鳧 爾雅舒鳧鶩疏野曰鳧家曰鴨俗名野鴨有大小兩種小者嘴稍圓結隊高翔曰風鴨大者嘴扁同家畜聲亦相同低飛曰撲鴨春初冰解秋末水寒時咸臨河捕魚平時罕見

鸛 俗名水老鸛有灰白二色高足長頸啄稱之慣棲淺水捕魚得鱧類屢吞屢洩末餘脊刺一條其巢每在高樹上羣集多年不輕移

鷺鷥 水鳥而林棲者類鸛頂有長毛後拖全身潔白如雪西人每購其羽爲婦人首飾縮脖子鳥 灰色形似鸛翅大脚高飛則縮頸俗呼縮脖子

水鷺子 小鳥也赤褐色馳行甚疾鳴則响响沙渚間輒見之

翡翠 雄赤翡雌青曰翠翠者人易著眼予名菘豆雀就河崖穿窟爲巢深二三尺水邊小鳥也

鵲 本草鵲大如鴉而長尾尖嘴黑爪綠背白腹上下飛鳴以音感而孕以視而抱冬季始巢開戶背太歲向太乙知來歲多風巢必卑下其鳴喞喞故謂之鵲靈能報喜故謂之喜鵲性最惡濕故謂之乾鵲

鳩 禽經拙者莫如鳩不能作巢多在屋瓦間或於木上架結木枝初不成巢僅以生子
往往墜雛鵲巢甚堅雛成飛鵲則棄而去容有鳩來處彼空巢故詩云維鵲有巢維鳩
居之毛色大小不一通曰斑鳩一種鳴鳩禮記仲春鷹化爲鳩仲秋鳩化爲鷹指此形
大於斑鳩長尾一名布穀

燕 說文燕玄鳥也燕有兩種紫胸輕小者越燕斑黑而聲大者胡燕春來秋去皆以社
日故文曰社燕

鶉 本草鶉大如雞雛頭細而無尾有斑點雄者足高雌者足卑鶉性喜鬪土人呼爲鶉
鶉惟青蛙化者則不鬪

雀 一曰瓦雀時棲簷瓦間故名亦曰家雀梁穀初熟時菜蔬方生多被啄食頗爲農家
害又蘇雀赤褐色喜食野蘇子又豆雀色灰頂毛長眼後角有黑斑文喜食冬青子又
麻雀類家雀而大倍之身多白斑喜食老鶻眼木子是皆山間小雀及雪滿空林飛繞
村樹覓食又靛雀兩種以頰下分之紅曰紅靛頰藍曰藍靛頰善鳴捕得者籠畜之又

有雀小而黃春初鳴輒徹夜聲類豹鳩而清細俗呼人葭爲棒極謂此鳥棲處有葭又
名棒極雀

烏鴉 俗名老鶻身同黑難辨雌雄說文烏孝鳥也廣雅純黑返哺者謂之烏小而腹下
白不返哺者謂之鴉俗名山老鶻

鶉鴒 陸佃曰鶉性喜合凡鳥雄乘雌惟鶉乘雌逐月有子唐明皇呼鶉爲飛奴正字
通唐鄭復禮言波斯舶上多養鶉鶉能飛行數千里放一隻至家以爲平安信今東西
洋人遠行或行軍多用寄書俗分野鶉家鶉兩種

鶉鴒 類鳩而大嘴細長上半鈎曲頸毛有青灰點如鱗晴時鳴聲和緩將雨則急俗謂
其喚雨一種類啄木鳥色紅頂毛一簇尤艷春初鳴則咕咕聲高而促喜巢樹窟被捕
放臊俗名臊瓜鶉一種類麻雀而大倍之翅與尾有白文仲春鳴於山林聲高而淒聞
數里喜食柞蠶俗名豹鶉

青燕子 大如雀鷹青灰色喜巢高樹日夕飛繞村落捕食卵小而圓有紅黑斑點

鵲鴿 大如燕青灰色飛則迭起迭落行時動搖其尾俗名狗尾把點點水邊多見之
雉 尚書謂之華蟲禮經謂之疏趾今呼野雞孟冬雉入大水爲蜃遼地雉雞冬月羣飛
入海潮上擁入沙中久之變蜃殼宜軍中號器其未成者海邊人得之猶雉形也本草
云雉飛若矢一往而墜故字從矢雄大雌小雄背赤胸黑有白毛一輪尾翎長尺許有
黑橫文全身悉華麗人得之每以雄雌兩贈爲禮俗名山雞

樹雞 似雉而小脚有毛爾雅註云鷓鴣大如鴿似雌雉鼠脚無後趾出沙漠地境內東
山亦多有之亦呼沙雞

黃鸝 即詩之黃鳥一名倉庚風土記六月東南風海魚化爲黃雀禮季秋雀入大水爲
蛤指此俗呼黃鳥

鐵雀 雀之大者爪堅如鐵置罔覆網取之漏網者未幾復至亦鳥之義而愚者冬則羣
飛入海

練鵲 似鵲而小黑褐色頂上披一帶一名帶鳥長尾白羽今呼拖尾練又名大尾把練

魚鷹 大於鴉色黑鈎嘴食魚一名釣魚郎

蠟嘴 身灰羽黑雄者有黑頸雌則否嘴曲而厚澹黃色如蠟故名方雨不鳴鳴則啞啞
爲將晴之兆

鷓鴣 身灰色有黑細斑文頸黃嘴尖巧於營巢巢大如雞卵以馬鬃懸樹間莊子云鷓
鷓巢林不過一枝詩謂之桃蟲喙利如錐取葦葉爲巢最工緻俗名爲巧女

啄木 爾雅曰鴛啄木嘴如錐長數寸形色大小綠黑不一諸雀舌皆根於喉而藏於味
惟啄木舌根通腦後舌尖引之逾長樹中蠹蟲雖潛穴隙亦能鈎取食之俗呼啄木冠
子

戴勝 似山鵲尾短長嘴青色頂有毛角如戴花月令季春戴勝降於桑嘴與脚皆赤色
羽多文彩美麗

銅嘴 似雀而大色灰黑喙青黃如銅

鐵嘴 形類窩藍無角頂

錫嘴 嘴白

蒿雀 多伏蒿間俗呼蒿溜子

畫眉 似鷹而小黃黑色其眉如畫善鳴種自南來人家有養之者

三道眉 其眉似分三道故名

柳葉兒 色淡綠小如指

串柳兒 類柳葉雀形微大

鳳頭鳥 一名阿藍韋昭謂之鵠扈有毛冠者曰鳳頭呂覽注鵠一名冠雀是也小者曰

清水又曰叫天爾雅謂之鵠鵠尾短多聲

寒號蟲 一云即鶻鳴狀如小雞足有肉翹夏月毛盛冬時毛脫鳴益急糞入藥即五靈

脂

蝙蝠 爾雅謂之服翼晝伏夜飛糞入藥即夜明沙

獸類

牛 說文曰牛大牲也隋書百濟傳畜有牛五代史女真地多牛禮記祭宗廟之禮牛曰

一元大武以純黑者供祀今多用之耕田挽車農家畜之回民頭利其皮肉多宰殺之

馬 唐書渤海傳俗所貴者率賓之馬按率賓在今奉天東與高麗僅隔一江內地馬大

高麗馬小清時有官馬羣駐牧各處馬極蕃庶本境所產無多半購自北邊

驢 玉篇似馬而耳長正字通驢長頰廣額修尾有灰白黑三色以午及五更初鳴協漏

刻又云女真遼東出野驢但野驢色駁鬃尾長

羸 即俗名騾字說文驢父馬母正字通羸似驢而健驢力在髀羸力在腰乘者隨其力
進退之史記單于乘六羸本境農家多畜之

羊 古禮用羊詩傳曰小曰羔大曰羊北盟錄女真多牛羊山羊色黑較多白者名綿羊
取氈可爲氈皮可爲裘禮記羊曰柔毛以其柔軟生煖也

犬 爾雅釋文引字林云狗家獸也周禮疏犬有三種一田犬二吠犬三食犬通考女真
地多良犬案今犬多黃黑二純色或駁雜色本境有三種一身長足高狀黑而性馴一

身偉足短俗名板橙腿喜狂吠一身小頭圓面凹視聽尤靈曰巴狗毛有類獅者

豬 爾雅豕子豬揚子方言關東西或謂之彘或謂之豕北燕朝鮮之間謂之豕通考女真獸多野豬大金國志女真獸有白彘案今豬色多黑頭與腰或雜有白毛亦有類獐子者爲人民肉食一大宗幾無家不豢養之茲分二種一頭小腹大肥俗名荷包豬一長嘴大耳身與足稱重可三四百斤俗謂之閩豬

貓 捕鼠獸禮記大蜡迎貓爲其能捕鼠也案俗謂牡者爲狼貓牝者曰乳貓多黑黃色亦間有狸花者本境滋育不繁人家恆珍視之

兔 有在家在野二種家畜者毛色純白或純黑長耳缺唇足前短後長躍而不走性最易馴在野者與家畜畧同毛色雜似獾貉或有白者則不習見本草兔尻有九孔或云兔無雄中秋望月顧兔而孕曲禮兔曰明視陸佃曰兔吐也明月之精視月而生故曰明視王充論衡言兔舐雄毫而孕生子從口中出乃蒲城原云兔之雌雄其孳尾無異他獸每月一孕生子則以土培之而壅其穴或竊啓其戶子輒不成蓋古所謂視月之候而孕又謂吐生者得土而生土訛以爲吐也

鼠 爾雅所載凡十餘種鼫鼯鼯鼯鼯鼯啖齧齧齧其餘鼫鼯齧齧各鼠俱未詳案鼫鼠今之田鼠鼯鼠今之臊鼠鼯鼠今之豆鼠其餘本境多未見若家鼠花鼠止供玩戲老鼠俗名耗子等類尤人所共惡者也

虎 說文山獸之君俗或呼爲老牟方言陳衛楚宋之間謂之李父江淮南楚之間謂之李耳或謂之於菟自關東西或謂之伯都本境千山中昔年有之今不曾見虎面方頭圓狀似貓而大如牛巨目闊口鋸牙鈎爪短頸健鬚細毛長尾牡毛色青牝毛色黃犁文黑章一嘯風生聲震山谷獵者取之皮骨皆珍

狐 說文云狐爲山獸又狐禊獸也淫媚惑人埤雅云狐孤也性疑則不可以合類故其字從孤形似狗大亦如之鼻尖尾大日伏夜出聲如犬而細毛如貉而溫其毛色青黃者俗名豆青狐淡黃者曰沙狐毛色赤者俗名火狐又有白狐黑狐但不恆見集之爲裘尤貴重本境山野皆有之冬令獵取

狼 埤雅云狼大如狗青色作聲諸竅皆沸善逐獸俚語云狼卜食狼將遠逐食必先倒立以卜所向故獵師遇狼輒喜狼之所向獸之所在也其靈智如此說文云狼似犬銳頭白頰高前廣後陸疏云狼鳴能小能大善爲小兒啼聲以誘人其敏捷者人不能制其膏可煎和其皮可爲裘夫狼有智多疑人亦廣設疑陣以制之或作深阱內藏小豕以誘之或於山澗要路各挑繩網各燃火繩逼之走墮擊以手礮往往有獲其皮溫而毛厚者以爲褥品極名貴本境東山恆有之

狸 毛詩取彼狐狸狸形似貓毛多斑文禮檀弓貓首之斑然宋史有野狸之名與家貓畧同或黑色或犁文比貓身軀較偉面腰俱長大者長二尺餘毛厚而細圓目炯炯足最捷恆入村竊雞食正字通云野貓有多種大小似狐圓頭大尾者爲貓狸

獾 形似豕體小而肥毛斑駁深褐色在山食柞蠶入田食玉蜀黍秋殘薰其穴取之皮可爲褥去潮溼甚宜

蝟 與鼠同類異種長尺許喙尖尾禿多刺毛俗名刺蝟能竊食瓜類捕得以筐覆之經宿則無咸謂其能土遁

鱗介類

鯉 正字通神農書曰鯉爲魚王有赤白黃三種沙河之魚鱗作金黃色鬣尾俱赤俗名赤鯉生於泥澤中者鱗作黑色俗名黑鯉蘇氏本草云鯉脇鱗從頭至尾無大小皆三十六鱗每鱗上各有小黑點三十六者六六之數六六陰數也魚口有雙鬚扁禮大鱗重有至十數斤者太子河產極佳

魴 爾雅釋魚云魴魴郭注云江東呼魴魚名鰱一名魴今土人呼之曰鰱花義猶近陸疏云魴廣而博肥恬而少力細鱗魚之美者故語曰梁水魴以其特肥而厚尤美也梁水即太子河出鰱花魚縮項穹脊扁身細鱗誠魚中上品也

鯽 廣韻鱣魴也郝云魴今之鯽魚本草云形似鯉色黑體促腹大脊隆起而狹頭與口亦小河及深水泡皆有之長者有尺許性煖能補脾杜甫詩鮮鯽銀絲膾蓋詠其美也
鱧 陶氏本草註謂爲公蠣蛇所化性至難死猶有蛇性然此魚多居深澤大者二三十

斤形長體圓黑色大鱗花紋似蟒有鬚鬣尾頭上有七小孔如北斗星象亦有子生小魚不必盡屬蛇化也俗云鱧魚有毒然人亦常食之不堪甘鮮呼曰黑魚又曰黑魚棒言其能跳以尾擊人也

鱖 詩齊風其魚魴鱖鄭箋云鱖似魴而弱鱗細腹腴頭銳形扁陸農師云鱖好羣行相與故曰鱖相連也故曰鱖今俗猶呼爲鱖子

鮓 無鱗似鰻而大俗呼槐子魚

鮎 即詩之鰻身圓性偃無鱗生流水者色青白生止水者色青黃按鮎鮎二魚太子河中亦有極大至數十斤者較混同江黑龍江產百數十斤者味美肉細

鱮 詩魚麗於罟鱮鯊毛傳鱮者揚也又缺也皆鱮之同音字黃頰黃頰言其色異於他魚但無鱗黏滑如鮓鮎鱮脊有硬刺手不可捉故必用罟以捕之俗呼爲黃昂頭圓口小尾部稍寬腮骨橫亘軋軋作聲喜居深水當夏至時夜赴淺水產卵向曉即還漁者者知其性五更時入河阻其歸路捕獲且易

鰠 詩齊風其魚魴鰠毛傳鰠大魚鄭箋鰠魚子也孔叢子說鰠與魴皆中魚衛人偶得大者詫異之耳案鰠一名黃頰一名鰠俗呼鰠條本草鰠魚即鰠魚一名鰠魚鰠敢也鰠啗也食而無厭也又其性獨行故曰鰠李時珍云鰠體似鯨而腹平頭似鮫而口大頰似鮎而色黃鱗似鱖而稍細大者三四斤啖魚最毒池中有此不能畜他魚或呼爲赤眼魚

鱗 長二三寸鱗細形狹腹曰背青性浮善跳諸河皆有之出水即死味苦肉少俗呼白漂子魚

鱗 鱗細形窄腹扁頭尾向上大者長五六尺肉中多細刺或云武王白魚入舟即此今太子河內不多見矣

重脣魚 即詩之鯊魚如鯽而狹色淡黃圓身大鱗而多肉肉美在脣脣且重故名大者重十餘斤春初冰開可網可釣鮮美之極

鱗 三月節後始出壯狹而長薄如削木片亦如長薄尖刀形細鱗白色吻上有二硬鬚

腮下有長鬣如麥芒腹下有硬角刺快利若刀近尾有短鬣肉內多細刺人呼曰刀魚黃鯛似白魚而頭尾不昂闊不踰寸長不經尺土人呼爲黃鯛子

沙鮎 俗呼沙咕嚕子身圓口小有斑鱗分黑黃二色重不過半斤年久者尾禿寒露入沙祇露雙眼及霜降則深藏不見來年三月始出人呼爲沙鯛魚

草根魚 嘴短身扁有鱗性善跳未易捕秋寒時羣入河澹淺水尙可網取

馬口魚 口大身小體扁有鱗上脣中缺口合時賴下腭餘骨補之時與草根魚爲羣取法亦同

船釘魚 長二三寸大頭闊口身扁鱗細黃色有斑見人則喙插泥中孕卵時口生疙疸過時則無諸水皆有之

河豚魚 狀如蝌蚪腹下白眼能開閉血及頭子有毒殺人鮮食之今河中亦不多見鱣 似蛇無鱗亦作鱧作鱣惟尾稍扁有青黃二色大重斤餘身多液而滑未易捕水濁可釣冬季冰結羣入泥中以有刃鐵鈎搭之

鱧 似蛇而短鰭有硬刺尾亦雙歧冬水結冰匿泥中故俗名泥鰱魚

鼈 李時珍曰鼈甲蟲也水居陸生穹脊連脇與龜同類四緣有肉裙故曰龜甲裹肉鼈肉裹甲無耳以目爲聽純雌無雄以蛇及鼃爲匹萬畢術云燒鼃脂可以致鼈也夏日孕乳其抱以影埤雅云鼈卵生隨日影而轉在水中上必有浮沫人以此取之從類云鼃一鳴而鼈伏性相制也又畏蚊生鼈遇蚊呼則死凡鼈得蚊煮則爛而薰蚊者復用鼈甲物相報復如此異哉俗呼團魚脚魚甲魚入藥又菜鼈可食食法先去頭水浸經宿消除腥血調和乃鮮最能補益

蚌 蚌與蛤同類而異形長者通曰蚌圓者通曰蛤故蚌從丰蛤從合皆象形也蚌類甚繁今本境河泡中多有之殼橢圓色黑有紋肉臊不甚堪食故俗名臊蛤子

蟹 本草謂之螃蟹方言謂之郭索蟹譜謂之橫行介士抱朴子謂之無腸公子雄尖臍雌團臍蟹本水蟲故字從蟲亦魚屬也故古人從魚以甚橫行則曰螃蟹以其行聲則曰郭索以其外骨則曰介士以其內空則曰無腸今諸河皆有之八爪雙螯筐圓芒短

與海蟹稍異春初冰解溯流而上脫殼洞居至秋大而且肥捕法以火照之則自出或以繩綴黍穗引之或用網取

蝦 河蝦與海蝦同類而小味亦稍遜至溪澗池沼產者多草蝦身黑而屈亦可食或以之治痘疹者合韭根搗爛服之發表有效

蝦蛄 俗名喇蛄形頗似蝦而前無長刺蟹身魚尾殼堅厚穿洞深藏山澗石下多有之捕多搗爛入袋如漉豆漿取汁熬熟類豆腐而味甚鮮

蛤什蟆 爲水陸兩棲之物體短上銳下廣後二足倍長於前背純黑腹白者雄紅者雌秋末入河及來年冰解就溫水泡產卵生子一種爲蛙身或黃背有二縱線如金伏於青草池塘鳴則聒聒有捕食者惟味不及蛤什蟆一種爲田雞較蛙肥大黑質而白文寒時藏於窪田春耕輒見之又有樹蛙身小而綠慣棲樹間雨後輒鳴又有螻蛄俗名水狗體瘦小腹深紅色水泡有之而喜浮水面鳴則唯唯皆不可食

癩蝦蟆 體軀肥滿行動舒遲背褐色有痒磊夏令各處皆有吸食蟲蠅之屬其眉間白汁入藥曰蟾酥又一種類癩蝦蟆而小兩頰有氣泡漲縮成聲物小而聲宏水泡多有之

鍼魚 時珍曰此魚喙有一針故名河水漲時下游時見之

銀魚 李時珍曰鱠殘魚出蘇松浙江大者長四五寸身圓如筋白如銀無鱗今渾太二河皆出惟太子河所出形小色白冬月得之味甚鮮

水蠶 長寸許多輪紋六足雙尾水邊石下有之

水牛蠶 類海螺而小殼亦最薄河中石下有之不可食

水蛭 俗名螞挑池塘間多有之長至二寸許色黑無足行時水中如蛇口最利慣附人畜肌膏吮血昔楚王吞蛭愈血疾或即此物

水螳螂 水中甲蟲也背赤褐色形如半栗腹與足皆黑多見水泡中

水黽 黑褐色狹細前翅爲革質六足浮行水面而體不濡俗名螳螂子又名水螞蟴

昆蟲類

蛇 詩維虺維蛇虺蛇皆毒蟲蛇有烏白黃赤以色名王蛇線蛇花蛇兩頭蛇以形名巴蛇蘄蛇常山蛇以地名而總名曰蛇酉陽襍俎有草木水土四種蛇埤雅云牛以鼻聽蛇以眼聽爾雅翼云蛇常飢每得食稍飽輒復蛻殼冬含土入蟄及出蟄則吐之草蛇能於草上行俗名草嘯子水蛇居水澤俗名水長蟲木蛇棲樹與樹皮相似俗名貼樹皮土蛇土黃色亦居土穴又有一種蛇大於諸蛇皮作黑黃文俗名烏稍蛇蓋蟒屬也虺亦蛇類而其毒尤甚於蛇遼境氣候寒有蛇無虺是害蟲之尤也

蜥蜴 體長二三寸背淺灰色腹白四短足田野間多有之聞人足音突奔數尺乃伏斷其尾尾久跳不死俗名馬蛇子爾雅蜥蜴守宮也說文在草曰蜥蜴在壁曰蝮蜒古今注一名龍子或曰蠍虎其實蠍虎體小形與蜥蜴亦異非一物也

蟋蟀 毛傳云蟋蟀蚤也郭注促織也亦名蜻蛚蟋蟀有在家在野之異其在野者圓頭修股形似阜螽而小色黑有光澤翼短不飛而善躍多居黍禾田中其在家者形與在野者畧同色微蒼而有白花文應秋而鳴暑居庭外石砌敗垣中或居古墻頽壁下天漸寒則移進堂屋居竈畔故又名竈馬俗呼曰趨趨即促織二字之轉音賈似道半閒堂鬪蟋蟀明宣德年宮中鬪促織皆此物也蠹海集云蜚陰性妒相遇必爭鬪本草蟋蟀促織阜螽螽斯負蜚莎雞皆一類是不過因時變化而易名耳然皆非害蟲

蠶 蠶有多種所食之葉不同而形亦異本境有家蠶山蠶二種家蠶飼桑葉長寸許環節蠕動胸腹及尾有足六對或純白或兼黑紋不等四眠作繭山蠶飼柞及榭葉青剛柳葉長一寸五六分身肥色綠有金點而多瘤瘤各一毫極壯者喙錯折有聲有物觸之輒以頭還擊亦四眠作繭按春秋兩季養之爲實業之一宗餘如榆蠶榛蠶黃栢蠶作曲絲網皆自生樹間作繭近亦漸有飼養者是爲有益之蟲

蜂 爾雅翼云蜂類至多其黃色細腰者謂之穉蜂其色黃而黑大如縷蛄齧木屑作窩居樹竅中曰木蜂俗名大麻蜂其色黑微黃穴墻土作窩毒螫牛馬曰土蜂俗名地雷蜂其居草中比他蜂差小名草蜂慣螫牛馬皮內即生蠃明春由蠃仍出此蜂蓋藉牲血肉生子在房檐下齧紙作窩似蓮蓬倒垂數十爲羣者名黃蜂其負蜘蛛處竹管及

銜土作房者名細腰蜂尾端皆有刺螫人皆害蟲也惟釀蜜之蜂比青蠅微小取而養之蜂有王爲衆蜂之長一日兩出而聚鳴號爲兩衙有采花者有取水者歸則少歇如采無所得則經宿不敢歸房皆秩然有序是爲有益之物

螳螂 月令仲夏螳螂生色灰或綠不等頭三角形複眼高突後腹大前胸延長如頸其前二肢形若鎌刀故俗名刀螂及秋產卵附木枝作房如指頭大名螵蛸產於桑可入藥

蠨蠸 身綠有翅腹下紫灰色後二股長善跳榛莽間有之其雌者不鳴有產卵管扁長如刀鳴者爲雄聲清越兒童捕得之養以籠飼以倭瓜花挂簷前鳴聲不輟又有一種大於蠨蠸色灰翅短後腹有黑橫文喙堅硬嚙手輒破聲羸而短俗名三叫驢

阜螽 形類蝗而色灰翅短股長善跳詩所謂趯趯阜螽是也又草蟲長二寸許黃褐色翅短不掩後腹鳴則扎扎有聲又蜚螽野郊有之長寸許綠褐色翅堅硬飛輒有聲詩所云螽斯羽薨薨兮即是一螿螽田間皆有之土黃色長寸許翅摺疊掩後腹腹尖瘦

起落有聲拍手吧吧作響喚之輒來一土螽身小色灰翅長路旁草間有之慣尋人馬踪跡若求食者俗呼土螞蚱此五種本境皆有之均不害苗

扁擔勾 亦螽類惟身細長色綠翅薄頭尖而口內向腹有黃漿兒童或捕燒食之一種粗短者口畧外向惟草田間有之或云田被水漫鮎魚產卵其中及受日光便生此物多或至千萬成羣食盡禾葉轉遺種子每至數年不絕或爲禾苗害

蜻蜓 名類甚多本草之蜻蛉蜻蛉赤卒爾雅之負勞及螳與諸乘紗羊等類皆大頭露目短頸長腰臍尾翼薄如紗食蚊蠓飲露水六足四翼好飛水際交於水上附物散卵生爲水蠹化蜻蜓產卵復爲水蠹循環不已次者曰蜻蛉小者曰螞蚱俗名尤不一也

蜘蛛 本草集解蜘蛛數十種有入藥不入藥之分本境所習見者一曰癩蛛色灰暗前有長足四對後腹圓大如栗食蟲蠅之屬每就籬落間結網絲輒而韌時或羅雀一曰螿子體細小褐色前二足甚長屋中有之其網少橫多縱每向人前拖絲而下俗謂主

有喜事名喜蛛詩蠪蛸在戶即此也一曰壁錢體小而扁平褐色結白網於壁圓如錢故名一種形小色黑屋中有之網細軟如綿胃塵片片蛛內藏不輕見又一種生田間形小色灰就隴畔尋孔張網網中留隙出入遇雨則封之秋日甚多又一種身細瘦色紅足長於身數倍多見草木間又一種形極小黃褐色後二足廻抱子囊囊白而圓豆田中多此類又一種大如粟粒而足長近寸行最緩屋內潮溼處有之又一種色紅身與足俱扁有孔卽入俗謂其類多毒又一種淡紫色身小足短拖單絲懸空不動墻孔多有之又一種身黃有斑點多生榛莽間以上八種皆習見者無害於人

鼠負 卽鼠婦亦曰鼠蟠之長三四分青灰色形扁而橢圓背皆橫文前有二觸鬚旁多足恆居溼地甕底與石下

伊威 亦作蚺蟻似鼠婦而大穹脊長鬚四足兩股空屋中有之詩伊威在室是也

蟬 書中多有此蟲一名蠹魚

蚰蜒 體細長多足類南蜈蚣而小有黑黃綠紅四色陰溼之地有之每防其入耳見輒殺之味甚惡有毒

蠹蝮 體長八九分暗黃色兼黑斑點頭有雙鬚尾歧叉脚細長共十五對行至疾多在陰溼之地一名百足蟲又名馬陸俗名草鞋底亦曰錢串子

蚓 禮記孟夏蚯蚓出冬至之日蚯蚓結俗呼曲蟪白頭者可入藥

螻蛄 揚子方言螻蛄謂之螻蛄本草一名天螻一名仙蛄穴土而居短翅四足腹大腰細如蜂長寸餘雄者善鳴而飛雌者羽小不善飛吸風食土喜就燈光以前二足善掘地俗名地拉蛄往往傷禾苗

蛻蜋 黑甲翅在甲下一名蛻蜋一名弄丸莊子蛻蜋之智在於轉丸言其以土苞糞推轉成丸藏之穴中備食又一種大於蛻蜋三倍穿穴獨居原野間偶有之頭有一角名鐵甲將軍合竹葉煎水飲之能利小便

蟻 種類不一大者曰蚍蜉色分黃黑各有大小兩種小者又曰螳俗統呼曰螞蟻鬪時各有行列謂之蟻陣

蠅 分青黑數種有黑蠅綠豆蠅大麻蠅狗蠅等俗名能傳染毒善亂色故詩以刺讒其

聲在翼牝者腹大生蛆蛆復化爲蠅每聚污穢處能清潔衛生者必設法驅逐之

螢 詩名熠燿今名螢火蟲月令季夏腐草爲螢至夜有光土人呼之爲棉花蟲

蟲 即蚊也種類亦多一種長二分許形類蠅而背黑夜飛喜赴燈光天陰時較多一種色褐日夕結團旋轉蕩蕩有聲小者爲蠓一種兩翼稍長棲時雙疊如一生榆榛葉內一種身細色黃喜吸人血其幼蟲即污水中孑孓也一種小於常蚊腹與足皆有白輪文喙毒銳刺人墳起如卵即豹脚蚊也

虻 大於蠅色黑黃不等喙利能刺人皮膚及牛馬頗苦之俗呼曰瞎虻又一種長寸許色黑以產卵器刺牛膚生蠲蠲類螻春初生翼飛出則爲虻今牛馬身上夏日每有出柴黑色血處曰蠲眼即此也

天牛 甲蟲也長寸許紅頸身黑如漆有觸角甚長多見於桃杏樹間有惡臭又一種體短色灰有芒刺俗名老牛

斑蝥 頸紅身黑酷類天牛長祇六七分喜食豆葉近之有惡臭味

蜉蝣 長可六七分四翅尾有三毛如絲夏秋之交近水而飛朝生暮死

蝸牛 大如指頂殼有旋文行則負之觸角前矗一對若牛故名草叢樹陰處有之或云可避毒蟲蠹畏之爾雅注謂蜺蝓即蝸牛

蝥蟻 詩頌如蝥蟻傳蝥也方言云關東謂之蝥蟻梁益之間謂之蝥其在木中者白而長故詩人以比婦人之頸七辨曰蝥蟻之領阿那宜顧凡木朽生蟲而蟲之形色因木色而異詩蓋取其白而言

蝶 形色不一皆蟲所化山中蝶大如掌采色斑爛子即山蠶也又花樹間蟲之大者暑時密置濕熱處輾轉久之即可化蝶鳳蝶大如蝙蝠青黑色翅有金文後翅一部分突出飄然若帶性喜獨飛不多見又有黃蝶翅稍團後拖若帶而短花間時見之其餘小蝶五色悉備值苦參苗綻華羣集燦若雲錦而粉白者尤多春初亦先見園林日暖三五團飛如遺卵菜葉即生綠虫食菜葉

蠍 說文蠶尾蟲八足而長尾有節色青有毒螫人古今錄驗云被蠍螫者但以水碗合之神驗或用大蜘蛛置之螫處輒以喙吸之毒盡蜘蛛斃其痛立止如入藥以青州所產爲良

螻 生糞土中大者以背行駛如脚久之化爲蟬則吸風飲露清濁係於變化有如此者
螺贏 亦名土蜂純雄無雌負桑蟲而爲子即螟蛉也

蛾 蠶蛾而外凡草木蟲以蛹化蛾者甚衆

害花蟲 一種長七八分形類蜜蜂無鬚無刺黃褐色喜吸花中液汁名花蟲又一種黃甲兼有黑斑者喜嚙芍藥薔薇各花

害菜蟲 一種爲螟蛉之屬長寸許色青俗稱青蟲食蕪菁菜菔各菜葉吐絲作繭化爲粉蝶一種形小色黃善跳嚙食嫩菜葉俗名地絡蚤一種名地蛆長三分許色白多橫文蝕菘芥之根是爲蠅類幼蟲

害果蟲 一甲蟲類大如元豆之半朱黃色兼黑斑點俗名放牛小果爲所食則生疤痕
細長有橫文一種形類蚊腹小而喙長吸取果內甜汁其疤痕小而圓又果蒂有殘瓣者蛾類喜就產卵化蟲入爲蠹故欲獲佳果須先去殘瓣以防之

害稼蟲 一螟蟲長八九分背黃色有黑縱線食穀稻葉天旱則生一捲蟲色青而小食葉復吐絲裹之使穗不得展詩云去其螟螣即此也一蜜蟲原名蚜虫有綠赭黑諸色吸嫩芽新葉汁液由糞門排蜜引蟻聚食禾遂枯槁一油虫類似蝨較呀虫尤小夏旱時散布禾稼葉間如油膩使禾不茂經雨則却一蝎虫背灰腹白多輪文嚙節輒斷按食根曰螯食節曰螫蝎殆卽螫也一穿虫長寸許色紅嘴堅銳喜食根禾因以枯一種體長二三分頭黑腹紅背有黑綫多毛旱時禾葉間多有之名曰蜜虫母

毛蟲 一種大如柞蠶毛長而黑榛莽間有之一種長寸許毛黃近頭部兩叢如角桑榆間有之一種色灰毛短背有黑縱文果樹多有之初生枝胷白絲密於蛛網羣蟲團聚其上稍大散食樹葉作小白繭化飛蛾一種長三四分背毛紅黃相兼叢生頭部二叢尤高出如角就木枝爲小繭極堅春破殼出毛刺螫人俗名羊刺子亦曰撥觸毛

屈步蟲 長寸許色綠或灰不等行時腰穹窿上屈一步一步若布指向前量物園林多有之俗呼曰量天尺

屁蟲 甲蟲之屬形橢色黃有黑斑點多見草間觸之尾部有聲發臭氣故名

蜚蠊 俗名蟑螂爲厨竈間之害蟲體扁平赤褐色小者喜就溫處羣聚夜擾人睡嚙肌膚輒破一種長六七分頸有白紋兩翅輪體每藏伏高處如夜出羣飛知天將雨

草虯 暗灰色頭類蝨而腹圓大生草間附於牲畜吸血雖飽不移然無後竅能吸不能洩故腹漸漲大若半粟犬貓之耳亦有之惟甚小

蚤 形小色黑善跳慣入衣被中吸人血液夏月生於溼地而新建之房屋尤多亦名蝨蚤

蝨 爲人體之寄生蟲而雞豚亦有之雞蝨小而白人常沐浴則不生蝨

螢蟲 亦曰牀蝨城鄉家居多有之晝吠暗處夜出吸人血液腹有臭汁俗謂之臭蟲
蠅虎 亦名蠅狐爲蜘蛛之屬大三四分灰色善跳徘徊壁間伺蠅捕之又有蠅狼黑色

長五六分頭巨背隆雙翼長足喜抱蠅